

IZBORNA PLATFORMA 2020.-2024.

OPĆINSKI ODBOR
POKRETA DEMOKRATSKE AKCIJE BANOVIĆI

Skup jakih lokalnih zajednica čini jaku državu BiH!

Poštovani građani Banovića,

Zadovoljstvo mi je predstaviti Izbornu platformu Općinskog odbora Pokreta demokratske akcije Banovići za Lokalne izbore 2020. godine.

Izborna platforma Pokreta demokratske akcije Banovići se temelji na platformi Pokreta demokratske akcije Bosne i Hercegovine, programskim načelima djelovanja i prilagođena je potrebama svih građana lokalne zajednice.

Izborna platforma Općinskog odbora PDA Banovići je dokument baziran na identifikaciji problema u lokalnoj zajednici, te sadrži i prijedlog mjera. Rađena je u skladu sa Europskom poveljom o lokalnoj samoupravi, kao i UN agendom za održiv razvoj, koja ustvari predstavlja Program održivog razvoja.

Platformom su obrađena poglavlja, koja su od izuzetne važnosti za život građana te su u nadležnosti Lokalne zajednice. U svakom obrađenom poglavlju dati su i prijedlozi rješenja identificiranih problema. Urađen je i epilog Izborne platforme, gdje su izdvojeni ključni ciljevi sa obrazloženjem kako iste realizovati.

Na Općim izborima 2018. godine pokazali smo da smo ozbiljan politički faktor i u skladu sa izbornim rezultatima uzeli smo učešće u zakonodavnim tijelima na svim nivoima vlasti. Pokret demokratske akcije prvi put izlazi na lokalne izbore i to je prilika da Vam u kratkim crtama predstavimo naše programske aktivnosti i ciljeve koje želimo ostvariti. Želimo istaći da radom naše većine u Općinskom vijeću i rad općinskog načelnika je trasiran jasan put razvoja lokalne zajednice u svim segmentima društvenog života, a koji su u nadležnosti lokalne zajednice. Na tom putu potrebna je zrelost, iskustvo i odgovornost koju posjedujemo.

Vaša podrška i naše opredjeljenje, da za kandidata općinskog načelnika kandidujemo Midhata Husića, je isključivo zbog postignutih izvrsnih rezultata u dosadašnjom radu.

Pozivam vas da date podršku kandidatima Općinskog odbora PDA Banovići i da budemo partneri u realizaciji zadatah ciljeva.

Elzina Pirić
Predsjednica OO PDA Banovići

SADRŽAJ:

1. PRIVREDNI RAZVOJ	4
2. PROSTORNO UREĐENJE	5
3. KOMUNALNA INFRASTRUKTURA I NJEN RAZVOJ.....	6
4. ENERGETSKA EFIKASNOST	8
5. PLANIRANJE KAPITALNIH PROJEKATA I PROJEKATA DOBRE SARADNJE 8	
6. PODRŠKA POLJOPRIVREDNOJ PROIZVODNJI	10
7. BORAČKO- INVALIDSKA ZAŠTITA I BRIGA O RASELJENIM LICIMA.....	10
8. RAZVOJ I ZAŠTITA KULTURNO-HISTORIJSKOG NASLJEĐA I OBILJEŽAVANJE ZNAČAJNIH DATUMA	11
9. ODGOJ I OBRAZOVANJE	12
10. SOCIJALNA i ZDRAVSTVENA ZAŠTITA	14
11. SPORT.....	16
12. TURIZAM.....	17

PRIVREDNI RAZVOJ

Dugogodišnji napori za stvaranje povoljnijeg poslovnog okruženja u posljednjoj godini počeli su davati rezultate. Podaci zvaničnih institucija su neumoljivi i isti su nagrađeni prestižnom nagradom „Kruna razvoja privrede“ za 2019. godinu, koja je ove godine dodijeljena Općini Banovići i aktuelnom općinskom načelniku Midhatu Husiću. Kao kriterij za dodjelu nagrade bio je rast firmi, rast prihoda, rast uposlenih i rast izvoza, na osnovu kojih je vidljivo da je općina Banovići ostvarila porast po dva osnova u kategoriji srednjih općina po broju stanovnika. To je rezultat politike koju vodi PDA Banovići tako da je u prethodnom periodu kroz stalne kontakte, posredovanje i dogovore dovedeno nekoliko investitora na područje Općine.

Sa druge strane osnivanje poslovne zone Sadnice pokazuje svoje opravdanje i u budućnosti pretpostavke za još veći privredni razvoj. Nakon što je izgrađen prvi objekat u pripremi je izgradnja i drugog objekta, a uporedo raste zainteresovanost i drugih investitora za gradnju.

U proteklom periodu smo kroz stimulatívne mjere ponudili najpovoljnije uslove za gradnju, a ovakav trend je rezultat stabilne politike koju vodi lokalna zajednica. Rezultat ovakve politike i nastojanja razvoja privrede, posebno obrta, malih i srednjih preduzeća su aktivnosti i mjere koje je aktuelni općinski načelnik proveo u doba pandemije dodjeljujući stimulatívna sredstva novim i postojećim privrednicima s ciljem prevazilaženja novonastale situacije i očuvanje radnih mjesta.

Takođe naša podrška nikad nije izostala projektima iz oblasti elektroenergetskog sektora, kao što su projekti izgradnje termoelektrane i cementare.

U budućem radu, fokus će biti stavljen na:

- **obezbjeđenje uslova za što povoljnije investiranje i smanjenje parafiskalnih taksi i naknada koje su u nadležnosti lokalne zajednice,**
- **zadržavanje postojećih i uvođenje novih stimulatívnih mjera za potencijalne investitore,**
- **kontinuiranu promociju i razvoj Poslovne zone i atraktivnih lokacija za nova ulaganja,**
- **osnivanje poslovnog savjeta koji će zajedno sa općinskim načelnikom raditi na izgradnji ambijenta u interesu razvoja privrede,**
- **nastavak razvoja elektroenergetskog sektora.**

PROSTORNO UREĐENJE

Prostor je vrijedan, ograničen, najčešće neobnovljiv resurs kojeg dijeli veći broj korisnika, te stoga prostorno uređenje ima za cilj organizovati njegovo racionalno i optimalno korištenje. Prostorno uređenje obuhvaća uređenje naselja, privrednih i društvenih djelatnosti, mreža infrastrukturnih sistema - prometa, energetike, vodne infrastrukture, zatim zaštitu okoliša, prirodnih i kulturnih vrijednosti, u uslovima prirodnih i drugih prostornih ograničenja. Posljednjih godina, u našem gradu svjedoci smo sve bržih socijalnih, ekonomskih i kulturnih promjena koje se naročito očituju u prostoru.

Nastojeći udovoljiti potrebama, adekvatno smo odgovorili kvalitetnim rješenjima i kao rezultat toga implementirani su konkretni projekti, koji su doprinijeli modernom razvoju i izgledu grada. Isplaniran je i izgrađen Trg žrtava Srebrenice u cjelosti, čime je obezbijeđen adekvatno uređen prostor u centru grada; isplanirana su i izgrađena dva moderna kružna toka, čime je na kvalitetan način riješen saobraćaj; isplanirana su i izgrađena dva moderna tržna centra; te isplanirana i započeta izgradnja u Zoni B izgradnjom dijela infrastrukture, kao i vjerskih i stambenih objekata, započeta je trajna regulacija vodotoka kroz gradsko područje i izgrađeni dodatni parking prostori. Konstatno smo radili na unapređenju putne i druge infrastrukture u svim mjesnim zajednicama, a sve u cilju kvalitetnijeg života naših građana.

U skladu sa potrebama naših građana, ali i investitora usaglašavali smo postojeću i izrađivali novu prostorno-plansku dokumentaciju, a sve s ciljem stvaranja pretpostavki za izgradnju i nova ulaganja.

U narednom period naš fokus u oblasti prostornog uređenja bit će usmjeren na:

- **povećanje broja parking mjesta kroz izgradnju novih parking prostora,**
- **izgradnji naselja kroz nove smjernice i preporuke,**
- **urbanizacija Vidove glave i pretvaranje iste u šetalište i rekreativnu zonu,**
- **nastavak uređenja vodotoka,**
- **izgradnja moderne gradske tržnice,**
- **obezbjeđenje prostornih kapaciteta u skladu sa potrebama privrednih subjekata i racionalnije korištenje prirodnih resursa,**
- **uređenje normalnog proticajnog profila svih vodotoka,**
- **maksimalno čuvanje i racionalno korištenje površina čija je namjena poljoprivredno zemljište,**
- **podizanje kvaliteta poljoprivrednog zemljišta, različitim oblicima unapređenja (pristupni putevi, navodnjavanje),**
- **provođenje efikasnih mjera zaštite zemljišta i šuma od dalje degradacije, elementarnih nepogoda, biljnih bolesti i požara,**

- **rekonstrukcija i uređenje izletišta,**
- **eksploataciju mineralnih sirovina vršiti tako da se obezbijedi stabilnost terena iznad i u neposrednoj blizini eksploatacionih radova,**
- **modernizacija i poboljšanje kvaliteta postojećih lokalnih saobraćajnica,**
- **obezbjeđenje kvalitetnog snabdijevanja vodom za piće na području cijele općine,**
- **zaštita prostora na kojem su locirana potencijalna izvorišta, te rezervacija prostora za eventualnu izgradnju novih izvorišta i akumulacija,**
- **provođenje kontinuirane aktivnosti na smanjenju gubitaka u mreži grada i priključenim naseljima na vodovodima pitke vode,**
- **obezbjeđenje zaštite od velikih, poplavnih voda urbanih, privrednih, stambenih, infrastrukturnih i objekata, kao i poljoprivrednih površina,**
- **uređenja korita rijeke Litve i njenih pritoka,**
- **maksimalno moguće proširenje kanalizacionog sistema za prikupljanje i odvođenje komunalnih otpadnih voda na području općine kao i oborinske kanalizacije, te njihovo prečišćavanje,**
- **unapređenje upravljanja otpadom.**

KOMUNALNA INFRASTRUKTURA I NJEN RAZVOJ

Komunalna infrastruktura, prema mišljenju brojnih stručnjaka iz oblasti prava, smatra se za jednu od najvažnijih oblasti koja spada pod nadležnosti lokalne samouprave. Razloga za to je mnogo, ali mi ćemo navesti dva najznačajnija: ravnomjeran razvoj mjesnih zajednica, kao najniže jedinice lokalne samouprave i poboljšanje kvaliteta života građana koji u njima žive.

Građani koji žive u većini mjesnih zajednica zbog rudarskih radova bili su primorani često na migraciju unutar općine Banovići, zbog čega je često bilo potrebno izmiještati saobraćajnice, kao i druge vodove komunalne infrastrukture (struja, voda, telefon).

Većina mjesnih zajednica u prijeratnom periodu nije bila povezana sa zaseocima putnom infrastrukturom, vodosnabdijevanje otežano ili nedovoljno, sportski poligoni u mjesnim zajednicama nisu postojali ili su neuređeni, javna rasvjeta nije postojala, mjesna mezarja neograđena i neuređena, česta pojava divljih deponija komunalnog otpada. Značajan dio tih problema je uspješno riješen u prethodnom periodu.

“Ravnomjeran razvoj svih mjesnih zajednica”

Kako bi se nastavio razvoj mjesnih zajednica i poboljšao kvalitet života u njima, planiramo uraditi slijedeće:

- kadrovski i tehnički kontinuirano jačati općinsku administraciju i javna komunalna preduzeća, kako bi bili spremni kvalitetno izvršavati ugovorene usluge,
- aktivno pratiti i učestvovati u započetoj izgradnji međuopćinske deponije – centar za upravljanje otpadom (Živinice, Banovići, Kladanj),
- kontinuirano analizirati i predlagati rješavanje problema sa kojima se susreće svaka mjesna zajednica pojedinačno,

- po potrebi angažovati stručnjake čiji djelokrug rada obuhvata oblast komunalne infrastrukture, sa zadatkom da izvrše analizu cijelokupne komunalne infrastrukture na području općine Banovići,
- nastaviti ažurirati katastar podzemnih instalacija i objekata komunalne infrastrukture,
- nastaviti aktivnosti na izgradnji sistema prečišćenja otpadnih voda,
- opremiti sve distributivne mreže sistemom kontrole i upravljanja,
- nastaviti pružati podršku javnim preduzećima za jačanje kapaciteta, kako kadrovskih, tako i materijalnotehničkih,
- iznalaziti i izgrađivati dodatna parkirališta, kao i iznaći mogućnost za parkiranje teretnih motornih vozila,
- urediti pijačni prostor,
- nastaviti izgradnju moderne javne rasvjete,
- obezbjediti uslove za zaštitu životinja (higijenski servis) i riješiti pitanje odlaganja animalnog otpada,
- kontinuirano pratiti stanja ispravnosti distributivnih mreža,
- pokrenuti inicijativu za utvrđivanje zona zaštite svih izvorišta na području općine Banovići,
- urediti i opremiti autobuska stajališta,
- nastaviti sa uređenjem javnih površina, javnih objekata i dr.,
- kontinuirano pratiti stanje zagađenosti, procjenjivati i poduzimati mjere na smanjenju zagađenosti vode, zraka i tla,
- kontinuirano pratiti stanje na gradskom i mjesnim mezarjima sa aspekta površina za ukop, te kvalitetu održavanja istih,
- iznalaziti rješenje za problem aerozagađenja, posebno u zimskom periodu.

ENERGETSKA EFIKASNOST

Nakon što je Općinsko vijeće Banovići krajem 2018. godine usvojilo Akcioni plan energetske održivosti općine Banovići, pristupilo se sistemskoj identifikaciji i planiranju mjera energetske efikasnosti u cilju ušteda i obezbjeđenja boljih uslova, kako za institucije, tako i za sve građane općine Banovići. Uspostavljena je organizaciona šema upravljanja energijom, u koju su uključene službe za upravu, administrativni objekti javne ustanove, javne zdravstvene ustanove i javna preduzeća, kojima su u proteklom periodu izvršeni radovi na utopljanju, zamjeni stolarije i druge mjere energetske efikasnosti.

Putem javnog poziva implementirani su brojni projekti iz ove oblasti, koji su vidljivi kroz izgradnju moderne javne rasvjete, u oblasti stanogradnje i objektima javnog karaktera, a za koje su izdvojena značajna finansijska sredstva.

Opredjeljenje OO Pokreta demokratske akcije Banovići je da u narednom periodu obezbijedi nastavak nastavi sa provođenjem mjera energetske efikasnosti na području cijele lokalne zajednice, kroz dalja ulaganja u zamjenu krovova, izradu

toplinskih fasada, unapređenje sistema upravljanja energijom, kao i kroz druge podsticajne mjere. Takođe smo opredjeljeni za:

- izradu općeg i detaljnog energetskog pregleda,
- energetske certificiranje,
- analizu potrošnje energije i vode,
- nastavak aktivnosti na poboljšanju stanja termoizolacije fasada, krovova, zamjeni vanjske stolarije, stubišnog rasvjetnog sistema u kolektivnim stambenim objektima i drugim objektima,
- ugradnju mjerača i regulatora protoka i pritiska na vodovodnim instalacijama,
- poboljšanje stubišnog rasvjetnog sistema.

PLANIRANJE KAPITALNIH PROJEKATA I DOBRE SARADNJE

Oblast planiranja kapitalnih projekata i projekata dobre saradnje je veoma bitan segment kod provođenja politike PDA o usklađenom razvoju mjesnih zajednica. Kroz propisane procedure sve mjesne zajednice samostalno kandiduju svoje prioritetne projekte, koje Općinsko vijeće usvaja kroz listu kapitalnih projekata.

Veliki je broj implementiranih kapitalnih projekata, a dajući podršku Pokretu demokratske akcije na predstojećim lokalnim izborima, možemo nastaviti kontinuitet razvoja i primjene dobre prakse, da naši građani biraju prioritetne projekte u svojim mjesnim zajednicama.

Moramo naglasiti da ćemo nastaviti dobru saradnju sa višim nivoima vlasti i dobro pripremljenim i kvalitetnim projektima obezbijediti sredstva za njihovu implementaciju.

Naš fokus u narednom periodu bit će na:

- unapređenju putne infrastrukture na cijelom području općine Banovići,
- nastavku saradnje sa institucijama radi unapređenja regionalnih cesta na području općine Banovići,
- obezbjeđenju kvalitetnog vodosanbdijevanja za sve građane,
- nastavku rekonstrukcije gradskog vodovoda i adekvatnoj zaštiti gradskih izvorišta,
- nastavku rekonstrukcije i proširenja toplovodne mreže u gradskom području i nabavci novog kotla za centralno grijanje,
- provođenju mjera energetske efikasnosti kroz izgradnju moderne javne rasvjete, stanogradnju i javne objekte,
- izgradnji modernog sistema otpadnih voda sa prečistačima, za gradsko područje i mjesne zajednice,
- povećanju zelenih i rekreativnih zona,
- izgradnji neophodne infrastrukture za bolji privredni i turistički razvoj,
- iniciranje projekata prekogranične saradnje sa prijateljskim općinama i gradovima (Bečej - Republika Hrvatska, Labin – Republika Srbija, Velenje – Republika Slovenija i Kartal – Republika Turska), kao i svim drugim općinama i gradovima koji iskažu volju za saradnjom.

Treba posebno istaći dva kapitalna projekta koji su od interesa svih građana Banovića, a jedan od njih je od interesa i za susjedne općine, a radi se o:

1. Izgradnja međuopćinske sanitarne deponije “EKO-SEP” Živinice,
2. Stalna podrška izgradnje TE-1 350MW i Cementare

Nakon što su izvršene sve administrativno-tehničke pripreme (rješavanje imovinsko-pravnih odnosa, donese odluke o uspostavi poslovne zone, odluke o usvajanju detaljnog dokumenta prostornog uređenja-regulacioni plan Poslovne zone “Sadnice”, kao i pokrenuti javni oglasi za prodaju zemljišta u istoj, ove godine je definitivno profunkcionisala poslovna zona “Sadnice” (urađen je veći dio komunalne infrastrukture-vodovodna i kanalizaciona mreža, značajna sredstva uložena u izradu projektne dokumentacije i izgrađen prvi poslovni objekat što predstavlja posebno zadovoljstvo.

BiH potpisivanjem Sporazuma o stabilizaciji i pridruživanju, odnosno Ugovora o uspostavi energetske zajednice kao i na osnovu ostalih Ugovora i Sporazuma koje je potpisala, iskazala je jasno opredjeljenje za održivi razvoj energetskog sektora (Ugovor o Energetskoj povelji protokol iz Kyota inicijative za Zapadni Balkan Pariškog sporazuma).

Od tada pa do danas u BiH pričaju i pišu o ovim izuzetno složenim procesima od kojih većina ne razumije suštinu. U tu zamku upali su i neki banovićki kadrovi koji ne dolaze iz PDA i čine sve napore da umanje značaj i ospore izgradnju TE Banovići i Cementare.

Obaveze OO Pokreta demokratske akcije Banovići je da nastavi istrajnost u ispunjavanju obaveza BiH u skladu preuzetim obavezama, pri čemu nećemo zaboraviti da:

- izgradnjom termoelektrane se povećava sigurnost snabdijevanja BiH električnom energijom,
- smanjuju emisije stakleničkih gasova ispod smanjene specifične potrošnje uglja u novoj termoelektrani,
- produžen dalji razvoj privrede i opstanak mjesta.

Važno je istaći da niko do sada nije ponudio strateške dokumente sa tranzicijskim planom za podršku zajednicama koje ovise o uglju, te utvrdio realan rok za postizanje održive energetske tranzicije i očuvanje svih radnih mjesta u rudnicima.

OO Pokreta demokratske akcije Banovići će se zalagati za otvaranje dijaloga širokog koncenzusa sa svim zainteresovanim stranama, kako bi očuvali sva radna mjesta i izgradili naše strateške projekte (TE i Cementara).

PODRŠKA POLJOPRIVREDNOJ PROIZVODNJI

Kroz mjere podsticaja poljoprivrednoj proizvodnji u proteklih godinu dana na području Općine Banovići realizovani projekti u značajnom finansijskom iznosu. Radi se o projektima vezanim za nabavku plastenika, subvencije za mlijeko i podsticaj proljetne sjetve. Jedina smo općina u Tuzlanskom kantonu koja izdvaja sredstva za subvencioniranje proizvodnje mlijeka. U ovoj godini smo zajedno sa međunarodnim organizacijama obezbijedili plastenike, brojler pilići, kao i podršku poljoprivrednoj proizvodnji u povratničkim naseljima kroz obezbjeđenje steonih junica, košnica za pčele i obezbijedili druge poljoprivredne resurse.

U narednom periodu OO Pokreta demokratske akcije Banovići zalagat će se za:

- **nastavak dobre saradnje sa međunarodnim organizacijama na implementaciji projekata iz oblasti poljoprivrede,**
- **proširenje programa subvencioniranja poljoprivredne proizvodnje.**

BORAČKO-INVALIDSKA ZAŠTITA I BRIGA O RASELJENIM LICIMA

Boračka populacija na području općine Banovići organizovana je kroz boračka udruženja i organizacije, koje imaju snažnu podršku Pokreta demokratske akcije, aktuelnog načelnika i Općinskog vijeća. Boračka prava ostvaruju se pomoću nekoliko zakona na federalnom i kantonalnom nivou, na osnovu kojih se uredno servisiraju prava na: jednokratne novčane pomoći, liječenje, nabavku ortopedskih pomagala, ostvarivanja prava na zdravstvenu zaštitu, stipendiranje učenika i studenata boračkih kategorija,

nabavka udžbenika, ostvarivanje prava na socijalno stambeno zbrinjavanje, ostvarivanje prava dobitnika priznanja, pomoć u slučaju smrti, pomoći usljed teških oboljenja, kao i ostvarivanje prava na egzistencijalni dodatak.

Na lokalnom nivou određen je način finansiranja boračkih udruženja i organizacija, te s tim u vezi u funkciju su stavljene i prostorije za rad, putem kojih se pruža usluga i pomoć krajnjim korisnicima.

Stvaranje još boljih uslova pripadnika boračkih populacija i svih njenih kategorija će ostati trajna obaveza Pokreta demokratske akcije na svim nivoima vlasti.

Ovdje je neophodno dodati da je u toku implementacija sporazuma o saradnji za rekonstrukciju i adaptaciju 30 stambenih jedinica (kuće holandske vlade) za raseljene osobe koje u njima žive, te je potpisan sporazum o saradnji sa Federalnim ministarstvom raseljenih osoba i izbjeglica za izgradnju 15 stambenih jedinica, čija je priprema u toku za smještaj raseljenih osoba u procesu zatvaranja izbjegličkih naselja.

U narednom periodu naš rad bit će usmjeren na **nastavak dosljednog i trajnog očuvanja tekovina narodnooslobodilačke borbe Amrije RBiH i tekovina NOR-a.**

RAZVOJ I ZAŠTITA KULTURNO-HISTORIJSKOG NASLIJEĐA I OBILJEŽAVANJE ZNAČAJNIH DATUMA

OO Pokreta demokratske akcije Banovići je i do sada posvećivao posebnu pažnju zaštiti kulturno-historijskog naslijeđa, kao i obilježavanju značajnih datuma i jubileja kroz donošenje posebnih odluka od strane Općinskog vijeća. Kroz usvojene odluke ustanovljena je stalna briga lokalne zajednice o svim spomen-obilježjima šehida i poginulih boraca, kao i obilježavanje značajnih datuma.

S obzirom da Banovići imaju očuvan kulturni segment i kulturno-historijsko naslijeđe koje čini dugogodišnje institucije i njihovi resursi sa preko deset hiljada rukopisa i bogatu historijsku građu, bogato prirodno naslijeđe koje se bazira na očuvanju industrijskog i željezničkog turizma, postoje i dobre pretpostavke za još bolje strateško planiranje u ovoj oblasti.

Kulturne ustanove predstavljaju okosnicu organizovanog kulturnog života i ključni fokus kulturnih politika, ne samo u lokalnoj zajednici već i šire. Zbog toga one jesu tema posmatranja, ocjene i sudova javnosti, a mogu biti odlični pokretači razvoja privrede, turizma i sporta.

Svako od nas treba da bude ponosan na cjelokupno kulturno–historijsko i prirodno naslijeđe, jer je ono naše zajedničko bogastvo. Važnost kulturnih ustanova u lokalnoj

zajednici od posebnog su značaja, jer su glavni servisi građana i finansiraju se iz budžeta općine, a sve u službi i za korist građana. Dosadašnjom podrškom u radu kulturnih institucija i podrškom projekata za očuvanje kulturne baštine zavičaja–riznicom kulturne baštine, omogućili smo građanima da postanu nosioci i zaštitnici kulturne baštine.

Zbog svega navedenog, po pitanju kulture i kulturno–historijskog naslijeđa, u narednom periodu ćemo svoj rad fokusirati na:

- **očuvanje kulturno-historijskih naslijeđa na području općine Banovići (zaštititi nekropole), izvršenju konzervacije uzrokovane, kako ljudskim tako i prirodnim faktorom,**
- **obezbjeđenje dodatne podrške u cilju razvoja i prezentacije kulture i kulturno-historijskog naslijeđa,**
- **razvijanje saradnje ustanova kulture sa turističkim organizacijama, agencijama i drugim djelatnicima u turizmu na formiranju i razvijanju proizvoda i drugih usluga,**
- **jačanju kapaciteta javnih ustanova,**
- **nastavku razvijanja prostornih i kulturnih kapaciteta za društvene i kulturne aktivnosti građana,**
- **nastavku zalaganja za što veći nivo kulturnih sadržaja i doprinos daljnjem razvoju kulture i kulturnog stvaralaštva,**
- **afirmaciji kulturnog stvaralaštva među mladima,**

- **nastavku razvijanja saradnje sa ustanovama i udruženjima građana posvećenih radu marginalizovanim grupama stanovništva, kroz projekte i programsko djelovanje iz oblasti kulture,**
- **zadržavanju postojeće i nastavku zalaganja za što kvalitetnije već prepoznatljive kulturne manifestacije, koje se održavaju na području naše općine, kao što su: Banovićko kulturno ljeto, Rudnik kulture, Dječiji festival umjetnosti, smotra folkloru i slične manifestacije.**

ODGOJ I OBRAZOVANJE

U nadležnosti lokalne zajednice, na području Banovića postoji jedna predškolska odgojno-obrazovna ustanova i u ovom dijelu ćemo se osvrnuti na njeno dosadašnje funkcionisanje i ključne segmente na koje treba obratiti posebnu pažnju u narednom periodu.

U proteklom periodu unaprijedili smo rad predškolske odgojno-obrazovne ustanove kroz poboljšanje uslova boravka djece u ustanovi i saradnju sa roditeljima. Povećali smo broj djece, formirali više odgojnih grupa i time rasteretili odgajateljce.

Nastavili praksu iz ranijih godina kojom obezbijedujemo olakšice za drugo i treće dijete. Unaprijedili smo infrastrukturne uslove za boravak djece kroz rekonstrukciju objekta ustanove, pomogli smo sanaciju krova, nabavku i ugradnju nove stolarije, a Ustanova je u saradnji sa donatorima obezbijedila edukativni materijal za bolji rad sa djecom.

U narednom periodu OO Pokreta demokratske akcije, Banovići fokusirat će se na:

- **unapređenje rada predškolskih odgojno-obrazovnih ustanova,**
- **proširenje prostornih kapaciteta za prijem većeg broja djece, (izgradnja predškolskih objekata u mjesnim zajednicama),**
- **povećanu uključenosti djece u predškolsko obrazovanje,**
- **unapređenje uslova boravka djece,**
- **unapređenje uslova rada odgajatelja,**
- **insistiraju da se promijene standardi, kako bi se smanjio broj djece u grupama i povećala produktivnost rada uposlenih u predškolskim ustanovama,**
- **uvođenju stručnih saradnika i zdravstvenih radnika kao obavezanog stručnog kadra u predškolskim ustanovama,**
- **promjenama pravne regulative kojom ćemo roditeljima obezbijediti još veća prava prilikom donošenja odluka iz sfere upravljanja javnim predškolskim ustanovama,**
- **obezbjeđivanju većih povlastica roditeljima za upis drugog i trećeg djeteta te ranjivih grupa,**
- **obezbjeđivanje ravnopravnog položaja sa djecom školskog uzrasta,**
- **uređenje i poboljšanje postojeće infrastrukture objekta predškolske ustanove,**

- **uređenju okoline, pristupa predškolskoj ustanovi, uređenju parking prostora, zelene površine predškolskog objekta.**

Osnovno i srednje obrazovanje nije u nadležnosti lokalne zajednice te se nismo u mogućnosti svojom Platformom fokusirati na rad školskih ustanova. Iako je tako, u proteklom periodu smo nastojali da poboljšamo uslove obrazovanja. Nastavili smo isplatu stipendija za učenike i studente, povećali broj stipendija učenicima i studentima, nastavili tradiciju stručnog osposobljavanja visokoobrazovanih kadrova, te uveli nove benefite za prvačice.

OO Pokreta demokratske akcije Banovići je svojim djelovanjem kroz Općinsko vijeće i rad općinskog načelnika, te višim nivoima vlasti i nevladinim sektorom obezbijedio uslove za osnivanje Centra za inkluzivni razvoj za djecu do 14 godina, kojim je unaprijeđena oblast obrazovanja, olakšano uključivanje ranjivih kategorija

djece u sistem osnovnog školovanja. Kroz ovaj projekat smo olakšali rad nastavnom osoblju te stvorili uslove za nova zapošljavanja stručnih lica.

Kroz djelovanje sa nevladinim organizacijama izgradili smo značajan dio infrastrukture u školama i u blizini škola na području cijele općine, te obezbijedili opremu za nastavne procese.

U narednom periodu ćemo nastaviti djelovati kroz institucije koje mogu pomoći u razvoju i poboljšanju sektora obrazovanja i biti podrška svakom projektu koji ima pozitivan značaj za obrazovanje u našoj lokalnoj zajednici.

SOCIJALNA I ZDRAVSTVENA ZAŠTITA

Socijalna zaštita nije definisana najvišim pravno-političkim aktom države te je organizovana prema administrativnoj podjeli države. Dodatna otežavajuća okolnost predstavlja i činjenica da je u Federaciji BiH socijalna zaštita urađena po segmentima i u osnovnim pravima definisana na Federalnom nivou gdje je Federacija samo preuzela dio obaveza po pitanju prava civilnih žrtava rata i prava neratnih invalida dok su ostale obaveze prema korisnicima spuštene na nivo Kantona ili lokalnih zajednica. S tim u vezi, lokalna zajednica ima sužene ingerencije u provođenju socijalne zaštite socijalno osjetljivih kategorija stanovništva, a svoje kompetencije u ovoj oblasti provodi posredstvom JU Centar za socijalni rad.

Lokalna zajednica kojom rukovodi općinski načelnik Midhat Husić ispred Pokreta demokratske akcije Banovići, svjesna je potreba socijalnih kategorija stanovništva i stanja u ovoj oblasti, te je u proteklim godinama kroz djelovanje Općinskog vijeća donijela proširene oblike socijalne pomoći. U tom smislu utvrdili smo dodatno pravo jednokratne novčane pomoći za lica i porodice u stanju socijalne potrebe, koje je inače zagarantovano Ustavom i ne spada u nadležnosti lokalne zajednice. Uveli smo dodatno i pravo na zdravstvenu zaštitu licima u stanju socijalne potrebe kao osnovnog vida

zdravstvene zaštite ranjivih kategorija stanovništva, koje ovo pravo nisu u mogućnosti ostvariti po drugom osnovu u skladu sa zakonom o zdravstvenoj zaštiti. Takođe smo, uveli podršku roditeljima za novorođenčad, koja se isplaćuje direktno iz budžeta lokalne zajednice svakoj porodici, bez obzira na njen materijalni i socijalni status.

Kontinuirano je rađeno na obezbjeđivanju boljih uslova za rad Centra povećanjem kadrovskih i infrastrukturnih resursa. U prošloj godini izvršena je vanjska rekonstrukcija objekta u kojoj je smještena Ustanova te pored vanjskog enterijera izvršeno je i utopljanje zgrade, što je dovelo do boljih uslova rada ali ujedno i ušteda u potrošnji enegrenata.

Zdravstvena zaštita stanovništva na području općine Banovići obavlja se posredstvom javne zdravstvene ustanove „Dom zdravlja“ Banovići, koji dio zdravstvenog sistema

Tuzlanskog kantona. Djelovanjem Pokreta demokratske akcije i lokalne institucije, zdravstvena zaštita je kroz projekat porodične medicine proširena u mjesne zajednice, izgrađeno je nekoliko mjesnih ambulanti, izvršena nabavka sredstava za rad, obezbijeđeni kadrovski kapaciteti i uspostavljen sistem rada u mjesnim ambulantama. Takođe je, u proteklom periodu, djelovanjem Pokreta demokratske akcije, Općinskog

načelnika i Općinskog vijeća, izvršena nabavka savremenih medicinskih aparata kojim su poboljšani zdravstveni uslovi i omogućena bolja zdravstvena usluga.

U vezi s navedenim, u narednom periodu ćemo se zalagati za poboljšanje uslova u oblasti socijalne zaštite kroz:

- **kontinuirano zalaganje za kadrovsko i tehničko opremanje zdravstvenih institucija,**
- **poboljšanje zdravstvenih usluga,**
- **uspostavljanje savremenih tehnika u zdravstvu,**
- **poboljšanje projekta porodične medicine s ciljem poboljšanja dostupnosti zdravstva korisnicima,**
- **izradu socijalne karte stanovništva općine Banovići koja će dati jasniju sliku socijalnog statusa stanovništva, jasnijeg i preciznijeg određivanja potreba te adekvatnijeg raspoređivanja materijalnih resursa lokalne zajednice,**
- **nastavit ćemo težiti postizanju socijalne uključenosti kroz sistem socijalne zaštite,**
- **nastavit ćemo raditi na proširenju oblika socijalne zaštite,**
- **nastaviti stvarati bolje uslove za samostalan život osoba sa invaliditetom kako bi im omogućili da samostalno i bez pomoći drugih lica ostvaruju svoja prava**
- **nastaviti raditi na poboljšanju infrastrukturnih uslova rada Ustanove,**
- **dodatno ćemo poboljšati pristup javnim institucijama kroz izgradnju infrastrukture (izgradnjom pristupnih staza za osobe sa fizičkim poteškoćama u kretanju),**
- **obezbijediti još bolje uslove rada i profesionalnu nadogradnju stručnim licima,**
- **nastavit ćemo podržavati socijalna izdvajanja za jednokratne pomoći, zdravstveno osiguranje i novorođenčad.**

SPORT

Sport kao sastavni dio života i razvoja lokalne zajednice, zajedno sa drugim segmentima koje smo obradili u Platformi, predstavlja potrebu i strateški cilj od javnog interesa lokalne zajednice. Iako je oblast sporta uslovljena integracijama Zakona o sportu Bosne i Hercegovine i Zakona o sportu Tuzlanskog kantona, lokalnoj zajednici ostalo je da uvodi nove oblike poboljšanja uslova za razvoj sporta. OO Pokreta demokratske akcije Banovići je od općinskog načelnika u dosadašnjim aktivnostima i zalaganjima zahtijevao da se usmjereri na razvoj i poboljšanje uslova u sportu te će nastojati ovu oblast još unaprijediti. Kontinuirano smo u skladu sa svojim raspoloživim resursima pratili i pomagali rad sportskih udruženja i klubova, kako kroz institucionalne, tako i finansijske segmente. Nastojali smo obezbijediti što bolje uslove, programe i stručni kadar, kako bi sport učinili dostupnim svakom pojedincu, stvorili smo uslove za uključivanje svih kategorija u sport,

od najmlađe djece, do podrške koju smo kontinuirano pružali udruženjima koja okupljaju osobe za određenim poteškoćama i invaliditetima. Značajnu pažnju smo posvetili i ženskim sportskim klubovima a svi zajedno su naša ulaganja opravdali najboljim sportskim rezultatima. Ovim aktivnostima značajno smo doprinijeli omasovljenju sporta i promociji lokalne zajednice.

Takođe smo kontinuirano ulagali i razvijali potrebnu infrastrukturu kao glavni faktor razvoja. U tom segmentu smo pratili potrebe i pomogli uređenje Gradskog stadiona, izgradnju pomoćnog sportskog terena sa umjetnom travom i sportskih poligona u svim mjesnim zajednicama. Sportskoj dvorani smo obezbijedili sredstva za zamjenu stolarije radi stvaranja pretpostavki za uređenje termo fasade, sredstva za zamjenu parketa u skladu sa FIBA licencom na kojima se igraju međunarodne košarkaške utakmice, obezbijedili sredstva za rekonstrukciju krova, zamjenu stolica, uređenju mokrih čvorova i svlačionica, nabavku novog semafora i niza drugih manjih projekata. U narednom periodu naš fokus u radu bit će usmjeren na:

- **obezbijeđivanje još boljih uslova, programa i stručnih kadrova za razvoj sporta,**
- **nastaviti ulagati još više u izgradnju infrasrukture potrebne za profesionalni i rekreativni sport,**
- **poboljšat ćemo i unaprijediti bavljenje i adekvatno nagrađivanje vrhunskih sportskih rezultata,**
- **unaprijedit ćemo upravljanje sportskih organizacija, edukacija i promocije sporta i vrijednosti u sportu,**
- **nastavit ćemo pratiti potrebe mjesnih zajednica i izgraditi sportski poligon gdje god se za to stvori prilika,**

- nastaviti ćemo financirati u još većim kapacitetima rad sportskih udruženja i sportskih klubova,
- nastaviti ćemo podsticati bavljenje sportom kroz podsticajne programe nagrađivanja i priznavanja najboljih rezultata,
- nastaviti ćemo finansijska sredstva raspoređivati još ravnomjernije i u skladu sa ostvarenim rezultatima sportskih udruženja i klubova.

TURIZAM

Razvoj turizma na području općine Banovići temelji se na bogatim prirodnim bogatstvima i kulturno-historijskom naslijeđu na kojima je izgrađen i imidž Banovića kao rudarskog grada sa razvijenim industrijskim turizmom. Uz postojeće vrijednosti, kao što je željeznička uskotračna pruga i voz tzv. Ćiro te prirodno blago koje se zasniva na blagodatima planine Konjuh, Banovići su poželjna i omiljena turistička destinacija, posebno ljubitelja parnjača. Valorizacija prirodnog naslijeđa Banovića ostvarena je izgradnjom Muzeja rudarstva i stavljanjem u funkciju turističkog voza Ćire, sa paralelnom zaštitom dijela planine Konjuh kao zaštićenog područja od posebnog značaja.

Razvoj i unapređenje turizma od 2014. godine institucionalno se vrši posredstvom javne ustanove Centar za zaštitu, razvoj i promociju turizma te udruženja građana. U proteklom periodu, posredstvom Ustanove kontinuirano je vršena zaštita kulturno-historijskog naslijeđa, promocija i očuvanje rudarsko-industrijskog naslijeđa, unapređivana turistička ponuda i promovisani turistički potencijali.

U proteklom periodu poboljšana je turistička ponuda na području Banovića kroz izgradnju infrastrukture na izletištima i unaprijeđena ponuda novim turističkim paketima. Očuvana je i poboljšana prateća djelatnost koja se oslanja na uslužne djelatnosti. Nastavilo se sa kulturnim manifestacijama od značaja za šire područje kao što je prvomajski uranak i gastro-ponuda.

Vizija razvoja turizma u općini Banovići zasniva se na novoj filozofiji razvoja, uravnoteženog koncepta razvoja sa aktiviranjem privrednog prostora, ljudskih resursa i institucionalnih kapaciteta. Novom vizijom ćemo obezbijediti bolje ekonomske prilive i time stvoriti pretpostavke za otvaranjem novih radnih mjesta.

U narednom periodu nastaviti ćemo raditi na unapređenju oblasti turizma kroz:

- očuvanje prirodnih ljepota i kulturnog identiteta,
- dugoročno staretško planiranje po kojem bi se organizovano planirao rast turizma kao značajnog faktora za ekonomsko jačanje lokalne zajednice,
- optimalnoj iskorištenosti prirodnih resursa,

- **efektivna primjena inovativnih rješenja u sektoru turizma, podrška vlastitim talentima i naučno-istraživačkim kapacitetima,**
- **razvijena i izvozno orijentirana turistička ponuda,**
- **razvijena turistička infrastruktura, naročito saobraćajna**
- **unaprijediti turističku ponudu raznolikošću sadržaja, širenje usluge tokom cijele godine, smještajnim kapacitetima, razvoju proizvoda i usluga u ovoj oblasti, organiziranim uslugama aranžmana i promocije kapaciteta Banovića,**
- **uređenje infrastrukture na izletištima,**
- **razvoj mjera, podsticaj i olakšica za ovu oblast prema pojedincima, privatnom sektoru, poduzetništvu I obrtu.**